



**Sacra Veterum Temporum Uti Et Evangelica, Ac  
Apostolica Historia**

**Steinhart, Franz**

**Ingolstadii, 1734**

**VD18 90104692**

Cap. VII. E Solis Eclipsi anno Diluvii in Sinis visa liquescit, Abram natum  
anno patris sui 70 non autem 130.

---

[urn:nbn:de:hbz:466:1-62332](#)

vel anno 2. Cyri, qui erat Æ. M.	3466
adde annos Regni Chaldaici residuos	6
uti & annos, quæs imperavit Cambyses	8
atque Darius, dum Eclipsis contigit.	30
Item annos distantia anni 31. Darii ab Æ. V.	491
summa ut alias exsurget, Æ. M. ineunte Æ. V.	4001 annis 535.
secundo Cyri recedens q. e. d.	

Habemus ergo Mundi conditi ætatem ad vulgarem æram Domini immediatè quidem ex sola Sacra Scriptura deductam usque ad annum secundum imperii Babylonici Regis Cyri, inde vero tum ex SS. Bibliis afferentibus nonum decimum annum Nabuchodonosoris Magni cum Sedeciae Regis Juda anno undecimo, aut ultimo Regni ejus confluere, tum ex astronomorum relationibus annum quintum ejusdem Chaldaici Regis celebrem fuisse lunari Eclipsei memorantium, mediatae demonstratam, aliisque tribus antea adductis ejusmodi lunaribus defectionibus infallibilibus naturaliter temporum characteribus confirmatam. Placet jam eandem ulterius stabilire ex LXX. Danielis hebdomadis, ut & annis Sabbaticis ex fonte Instrumenti veteris haustis, quod etiam immediate ex SS. Bibliis mundi ætas à se origine usque ad Æ. V. ritè definiatur. Antequam id præstem interfero aliqua de antiquissima Solis Eclipsei in Sinis apparente anno diluvii, qua expediatur ambiguitas in chronotaxi mundi cap. V. insinuata,

## CAPUT VII.

*Evetuissima solis Eclipsei in Sinis visa ostenditur, natum esse Abram anno septuagesimo Thare patris sui.*

**P**henomenon hoc cœleste in priscis Sinenium monumentis signati Græciò ad me scripsit Author Cosmangeli P. Josephus Stöcklein, supra ad calcem cap. 2. citatus. Ejusmodi documentis cum instructum abundè esse appendix chronologica parti XVI. annexa docet. In iis autem assertur, proximè ante diluvium perfectam

con-

contigisse planetarum omnium conjunctionem, adeoque arctam lunarium synodum, qualis est sola ecliptica. Cataclismus porro Moysis testimonio Genes. VII. iniit die septimo decimo mensis secundi, Eclipsis proin illa Solis in Sinis visa evenerit altera anni diluviani Neomenia diebus sexdecim ante exitiales aquas.

Tekupha Nisan, seu cardo Judaici anni jugiter incurrens in mensem primum lunarem diluvii temporibus versabatur circa diem 12. Aprilis in forma anni Juliani. Astronomicæ tabellæ Philippi Hirii anno 2344 (quo Lubin colligetur factum Solis deliquum in China apparet) ante æram vulgarem Christi reponunt verum æquinoctium vernale in prædictam diem Aprilis 12. mediâ quinta ante meridiem Parisiis. Post hunc Solis in Arietis primordia ingressum anno eodem novilunium mensis secundi eclipticum in meridiano Parisiensi celebratum est die quinta Junii hor. 8. ante merid. Sole & Luna tunc versantibus in Tauri gradu  $22\frac{1}{2}$ , Nôdo verò boreo in 28. gradu Scorpiorum, adeoque argumentura latitud. lunæ signorum quinque & 24. grad. cum dimidio, cui respondent latitud. bor. crescentis scrupula 29. prima circiter. Paralaxis horizontalis Lunæ à Sole minutorum 18. motus horarius 32, aggregatum semidiametrorum sideris utriusque  $31\frac{1}{2}$ . Confecto his elementis Eclipsis typo consueta hodiernis Astronomis methodo organica, obtinui maximam Phæbi obscuracionem Pekini accidisse eodem die quadrante post quintam vespertinam undecim penè digitorum, modica duntaxat austriani disci solaris portione non obtenebrata. In parallelis Pekinensi borealioribus, locisque magis ad ortum sitis totaliter Phæbus defecit.

Jam verò putatis juxta placita Hirii tabularum mensis secundi noviluniis inter annos ante æ. V. Christiadum 2400, & 2408, uti & 2340, ac 2348, quos inter octennii utrobique terminos, sive dein Abramini natales inciderint in annum centesimum tricesimum, sive in septuagesimum Thare patris, nullum ex his noviluniis occurrit vel minimam Solis eclipsim inducens in regiones Sinici Imperii, unico excepto anno 2344, quo die quinta Junii sub vesperum insignis facta in plagiis Sinensibus Phæbi obscuratio: ergo tenendum erit, isto & nullo alio, qui controverti queant, anno signandam arctam illam luminarium synodum, quæ in Sinicis priscis monumentis notatur paulò ante universale diluvium contigisse, altera videlicet anni illius neomenia. Illationis vim clare percipient Astronomiæ gnari, præsertim, si ipsi met

met computi laborem subire voluerint, alii haud imbuti scientia Astronomicâ credere debent ejus artis peritis.

Inter limites autem prædictos stare debere omnem hic annorum amphiboliā è superiùs dictis in mundi chronotaxi satis liquet. A diluvio siquidem ad Legem promulgatam è SS. Paginis liquidò deducuntur anni 797. supposita nativitate Abram anno septuagesimo Thare, vel 857, si Patriarcha is natus ponatur anno patris sui centesimo trigesimo, adeò ut omnibus ritè perpensis ab ea annorum periodo vix unus redundet, aut deficiat. A Legis promulgatione ad condi cœptum Salomonicum templum anni intercipiuntur præcisè 520. inde ad eisdem templi desolationem anno undecimo Sedeciæ Regis Iuda factam fluxere anni minimum 420. vel summum 424. Certè pauciores, aut plures in sacra historia Regum Juda haud facile quisquam colliget. Ab anno porro undecimo Sedeciæ, seu decimo nono Nabuchodonosoris ob eclipsin lunarem anno quinto hujus posterioris Monarchæ à Chaldaëis notatam astronomica evidētia chronotaxis mea deduxit ad Æ. V. annos 606, quibus in unam summam redactis terminis à cataclismo ad æram vulg. Christi colligitur annorum series maxima 2348. vel 2408, minima 2342, vel 2402. Inter hosce autem annos nullus sese offert mensis secundi ecliptica synodo insignis præterquam 2344. ante prædictam Christianorum Æram, qui annorum bis mille trecentorum quadraginta quatuor cyclus resultat ex constitutis Abrami natalibus anno Tharæi septuagesimo, longè major, si Abram ortus dicatur genitore Thare ætatis sue annum centesimum tricesimum numerante. igitur rejecto posteriore prius erit asserendum.

Amphiboliæ, quæ in mundi chronotaxi sese offerebat ob Abramicos natales ita sublatæ ope solaris deliquii apud Sinenses, ut vetustissimi eorum annales referunt, spectati paulò ante cataclismum, adhuc duo videntur obstatre posse. 1. quod luna nova in quintam Junii incurrens non secundum, (ed tertium) mensēm designet. Ex celebratione enim Paschatis Judaico populo subin divinitus præcepta constat, Neomeniam Nisan, seu primi mensis neutiquam eam reputari, quæ vernum Æquinoctium sequitur, sed cuius luna decima quarta vel in ipsum Æquinoctium incidit, vel post incursum Solis in vernalem sectionem celebratur. Neutrū autem horum, ut patet contigit anno 2344. ante Æ. V. Christi. 2. Quia non liquet, an mensis primus anni sacri Genesis 7, descripti à Tekupha Nisan, seu

ver-

verno æquinoctio, aut à Tekupha Tisri seu ab æquinoctio autumnali auspicio sua habuerit. Notum siquidem est, Hebreos duplex anni sui initium fuisse subin sortitos, primum à Tekupha priore, alterum à posteriore, et illa quidem anni Sacri, ista politici dicebatur caput, seu primordium.

Sed respondeo ad r. post indictam à Deo Israëlitis solennitatem paschalem primum anni Sacri mensēm hābitum esse illum, in quo luna decima quarta vel in sectionem vernam vel imminiatè post illam incurreret, ex Josepho & Philone Scriptoribus Hebræis certum esse, quod autem ante cataclismum id quoque fuerit observatum nulla satis congrua ratio suadet. Imò oppositum inde colligitur, quod creato juxta probabiliorem Authorum, Saliano teste, in sectione æquinoctiali ipso sole primum novilunium annis 1655. completis ante diluvium celebratum fuerit die 3. Maii, annis vero 1656. ante illam fatalem eluvionem die 14. ejusdem mensis, ut Hirianæ tabulæ liquidum faciunt, è quibus æquinoctium vernum eruitur 24 vel 25. Aprilis. Protoplasti igitur nostri annum lunæ solarem à nulla alia Neomenia anticipari potuere quam ab ea, quæ post condita ambo Luminaria primò commissa est, seu ab illa, quæ veris æquinoctium proximè fuit secuta. Si itaque primo orbis conditi anno mensis secundus Junii calendarii Juliani respondebat, idem jure diei poterit de ipso anno diluvii, quo die 5. Junii solis deliquium contigisse in Sinis vel maximè visibile Uranicæ tabulæ demonstrant. Imò nullo ex annis controversis suprà adductis phænomenon eclipticum solare mense secundo in China spectabile ex iis tabulis coniicies, sive mensem illum secundum accipias in sensu à me intento, sive in illo quem methodus celebrandi Paschatis subin præscripta exigit, nisi anno ante AE. V. 2344.

Eadem ferè datur responsio ad 2um. esto enim, annum cataclismi iniisse à Tekupha Tisri, nullam ex annis controversis, mense secundo à SS. Paginis certo, Solis eclipsin in China apparentem nanciscēris praterquam anno 2343 die 18. Novembris, quo in locis saltē Pekino australioribus, magisque ad meridiem sitis paulò ante occasum maximam sui discipartem Phæbus obscuratus videri potuit. Quamvis ergo unde unde demum evinceretur, annum cataclismi à prima Tekupha Tisri Neomeniâ sua esse auspicatum primordia, nil tamen inde conficeretur, nisi quod Abram non 130 anno, sed 70 patris sui

Thare

Thare natales sortitus sit, ut adeò stante veritate eclipsis solaris in China paulò ante diluvium apparentis liquida maneat præsentis controverbiæ decisio, cùm in utraque suppositione tam vernalis quam autumnalis Tekuphæ nulli alii solis deliquio apud Sinenses visibili insignes anni congruant præterquam bis millesimus trecentesimus quadragesimus quartus die Junii quinta, & 2343. die 18. Novembris.

Ex eo ipso phænomeno solis deficiens ante mundi naufragium apud Sinenses spectato validè confirmari potest. quod capite secundo dictum, Salemum videlicet natum anno Arphaxadi trigesimo quinto: Si enim Cainani ætas deductæ ibidem orbis conditi chronotaxi præterea addatur, diluvium à vulgari Æra Christi distaret 2374, vel 2434. annis, quibus tamen, uti & aliquot annis ante, aut post nullum habetur indicium eclipsis solis mense secundo in Sinis visibilis, ut rei ipsam periclitanti Uranophilo manifestum evadet. Sed difficultas ea, ut loco cit. ostensum, textam à me ex ipsis SS. Paginis chronologiam nil valet interturbare, sive dein inter Arphaxad, & Sale interserendum venerit ipse Cainan, quod ob irrefragabile D. Lucæ testimonium mihi quoque probabilius appetet, sive non sit interserendus, prout l'etavio & aliis visum.

## CAPUT VIII.

*Stabilitur Mundi hactenus definita ætas quarti mille annorum usque ad æram vulgarem Christi  
ex Danielis hebdomadis & annis Judeorum  
Sabbaticis.*

Danielis IX. prædictus adventus & mors Christi Domini, ille post hebdomadas LXIX, ista earundem elapsa periodo, & tribus cum dimidio præterea annis. Constat autem, atque etiam inter Chronographos convenit, hebdomadam quamvis, quarum ibi sermo, non dierum sed annorum septem cyclo esse concludendam. Sive autem septennium illud ab anno solari, sive à lunari derives, æqua utrinque habebis temporum spatia, modò lunæ annum Hebraico mo-